



HARI ME ANA TEINA

Ko ngā kaiwhakaari:

- **Hari**
- **Ngā teina e rua**
- **Papa-tū-ā-nuku**

Te Kōrero:

Kei a Pura rāua ko Ngata te kōrero tuatahi.

- | | |
|--------------------|---|
| 1.Pura | Kia ora tamariki mā!
I tōna nei wā, tērā tētahi tama, ko Hari tana ingoa. |
| 2.Ngata | He rawe ki a rātou ko āna teina te tākaro i muri i te
whare, engari, tino māngere rātou ki te whakapaipai
rāpihi. |
| 3.Hari | Reka mutunga tērā hanawiti! E hoa mā, me hopu i ngā
rāpihi? Eeee, hei aha....Whakarongo mai!
Me mahi māra kai tātou hei whāngai i te whānau! |
| 4.Ngā Teina | Me mahi māra kai! |
| 5.Hari | Ka pai, tuatahi, whakatōngia ngā kākano. Ka pai!
Ka rawe! Ināianei, me tuku he wai ki runga. |
| 6.Pura | Ka aha iaianei tamariki mā? |
| 7.Tamaiti | E kore e tupu te aha rānei! |
| 8.Hari | Pai kare, he aha e roa nei? |
| 9.Ngata | E hia āo, e hia pō, kāhore tētahi mea kia kotahi i tupu
i te māra kai. |



- 10.Pura** Mōhio ana au he aha te raruraru!
- 11.Ngata** Pura, kaua e whāki!
- 12.Hari** E hia marama, kāhore he tupu kotahi i pihi ake.
I tika tā tātou mahi nē?
- 13.Papa** Kāhore i tika! Ko Papa-tū-ā-nuku ahau. E kore e tupu
he hua i te whenua, ina kore te whenua e tiakina.
- 14.Hari** E tika ana PEA!
- 15.Papa** Pea?!?! Tino tika taku kōrero!
Whakapaipaingia ēnei rāpihi, ka kitea ai!
- 16.Hari** Tēnā, me whakapai tātou! Tīmata te whakapaipai.
Heoi, kua kore he rāpihi iaianei me tiaki i ngā tupu.
Titiro!
- 17.Hari/Teina** E tupu haere ana ngā kai.
- 18.Ngata** I muringa mai, kāhore anō a Hari mā i whakaparuparu.
- 19.Pura** Ka mutu, hua tonu te māra kai hei whāngai i te
whānau i ngā tau katoa!
- 20.Pura/Ngata** KA MUTU!